

24 lagun elkartu dira, 16 IGEren ordezkari gisa, Batzar Orokorrean, 10:30ean, aurreikusitako gai zerrenda aztertzeko.

1. 2012ko azaroaren 10eko Ohiko Batzar Orokorraren akta onartzea, hala badagokio.

Aho batez onartzen da.

2. ZUZENDARITZA BATZORDEAREN 2012-2013 IKASTURTEKO KUDEAKETA MEMORIA ETA 2013-2014 IKASTURTERAKO EKINTZA PROIEKTUA

BAIKARAK 2011-2012 ikasturtean egindako lanaren funtsa Federazioko kide diren 154 IGEei informazioa, aholkularitza eta laguntza eskaintzea izan da 2012-2013 ikasturtean ondoren aipatzen diren jardura hauek bideratu dira, Zuzendaritza Batzordeak prestatu eta 2012ko azaroan egindako Batzarrak onartutako Planaren arabera.

2.1. Zuzendaritza Batzordearen jarduerak

Barne jarduerak: Zuzendaritza Batzordeak 4 bilera egin ditu.

Zonaldeko bilerak: 27 eskualde bilera egin dira, 2012ko irailean (%42) , eta 2013ko urtarrilan (%35) eta 2013ko maiatzean (%38).

Kanpo jarduerak: 2012-2013 ikasturtean 289 bilera egin dira , honela banatuak:

- IGEekin: 141 bilera, horietako 27, eskualdekoak.
- Ehige Konfederazioa: 18 bilera.
- Eusko Jaurjaritza: 16 bilera
- Udalak/Foru Aldundia: 21 bilera
- Eskola Publikoaren Jaia: 4 bilera
- Jardunaldiak eta mintegiak: 23
- Euskadiko Eskola Kontseilua: 18
- Bestelakoak: 48 bilera

Nabarmenezko datua da bilera horietako 118 Gipuzkoako lurraldetik kanpo egin direla.

2.2. IGEekin ZERIKUSIA DUTEN GAIAK:

2.2.1. Zerbitzu eskaintza

2012-2013 ikasturtean, Federazioak honako zerbitzu hauek eskaini zizkien IGEei:

- **Kontratuen kudeaketa:** Batez beste, 200 kontratau baino gehiago kudeatu ditugu hilean. IGE eta ikastetxeek kudeatzen dituzten zerbitzuen artean, honako hauek dira, nagusiki, langileak kontratatzeke premia dakartenak: zaintza, kiroletako koordinatzaileak, eskola orduz kanpoko jarduerak... PROA programarako begiraleak ere kontratu behar izaten dira.
- **Liburuen salmenta:** 2012/2013 ikasturtean liburu eta eskola materialen erosketa kudeatu dugu, Gipuzkoako 32 ikastetxerentzat.
- **Aldizkaria:** 2012-2013 ikasturten "Baikara" aldizkariaren 3 zenbaki kalaretu ditugu Aurrekontu arazoak direla eta (Gipuzkoako Foru Aldundiaren diru laguntzarik eza), bertan behera gelditu da euskara hutseko argitalpena, eta 28.000 ale elebiduneko argitalpena egiten da
- **Web orria** (www.baikara.org): Ikasturtean zehar, atal berriak gehitu zaizkio webguneari: facebook, twitter...
- **Matrikulazio kanpaina:** 2013ko otsailean egin zen. Baikararen publizitatea sartu da Gipuzkoako 19 ikastetxeren propagandan, Donostiako 18 ikastetxeen eta Debagoieneko Goieskolako 12 ikastetxeen propaganda bateratuan.
- **Boluntarioentzako aseguru:** 2012-13 ikasturtean boluntarioentzako 162 aseguru egin dira.

- **Ikasleentzako eskolako istripu aseguru:** 2012-2013 ikasturtean, 7 ikastetxetako 1.234 ikaslek egin dute aseguru hori.

- **Aholkularitza eta laguntza jarduerak.**

BAIKARAKo kide diren IGEentzako aholkularitzako eta laguntzako jarduera espezifikokoak sartzen dira atal honetan. IGEek IGE gisa dituzten funtzioak betetzeko eta IGEek parte hartzen duten kudeaketa eta parte-hartze sektorialeko beste organo batzuetan duten zeregina betetzeko laguntza eta orientazio gisa har daitezke.

Hiru programa hartzen ditu arlo honek bere baitan: IGEen dinamizazioarako egitaraua, Orientazio eta aholkularitza egitaraua eta Informazio egitaraua

2012/2013 ikasturtean, 7 IGE baino gehiagoren estatutuak aztertu eta aldaketa proposamenak bideratu ditugu. 2013-2014 ikasturtean, falta diren 8 IGEen estatutuak eguneratzeko asmoa dugu eta horrela egingizun honekin bukatu.

- **Elkarteen Erregistroarekin eta diru laguntzen eskariarekin zerikusia duten gaiak.**

Hiru atal dira nabarmentzekoak:

- Elkarteen Erregistroan Zuzendaritza Batzordeen osiera egunera dezaten IGEekin egin beharreko kontzientziazio lana. Izapide horrek erraza dirudi, baina IGE askok huts egin ohi dute betebeharrak. Izan ere, etengabeko aldaketak gertatu ohi dira Zuzendaritza Batzordearen osieran (bi urtez behin osorik aldatu ohi dituzte, oro har), eta kide berriek ez dute jakiten eguneratze hori egin beharrekoa dela. Egoera horren ondorioz, Federazioak berak hartzen du aurrea auzi honetan eta berak egin ohi ditu Zuzendaritza Batzordeen osiera eguneratzeko izapideak eta gestioak, Elkarteen Erregistroaren aurrean. Hala, 2013/2014 ikasturtean zehar, Zuzendaritza Batzordeen 58 aldaketari buruzko izapideak egin genituen Elkarteen Erregistroan.

IGEentzako diru-laguntzen kudeaketa eta izapideak, bereziki, Hezkuntza Sailak eta Donostiako Udalak banatzen dituzten laguntzei dagozkienak. 2013rako diru laguntzen eskariak 2013ko irailean atera ziren. BAIKARAK 118 laguntza eskari izapidetu ditu; hau, da, Federazioko kide diren IGE guztien %82enak.

- IGEek zerga betebeharrak eta, bereziki, Elkarteen zergari dagozkion betebeharrak betetzeko laguntza. IGEak, irabazi asmorik gabeko elkarteak izan arren, behartuta daude urtero Elkarteen Zergaren aitortpena egitera. Tradizioz, IGE gehienek ez zuten betebeharrak bete izan, baina horrek ez zuen inolako ondorioz izaten beren funtzionamenduan. Diru-laguntza publikoak banatzeko araua aldatu egin zuten, ordea, eta, harrezkero, gero eta gehiagotan gertatzen ari da erakunde pulikoek eta, batez ere, udalek, zergen ordainketa eguneratuta dagoela adierazten duen egiaztatzea aurkezteko baldintza ezartzea, laguntzak emateko. Eta, jakina, IGEek Elkarteen Zergaren aitortpena egiteko ohiturarik ez dutenez, zailasunak sortzen ari dira laguntza publikoak eskuratzeko garaian, orain artean ez bezala. Ildo horretatik, Federazioa IGEei aholkularitza eskaintzen ari zaie, egin beharreko izapideak eginda, Foru Ogasunean eskariak aurkezteko.

Gainera, 2008az geroztik, telematika bidez besterik ezin dira aurkeztu, eta horretarako, gako elektronikoa eskuratu beharra dago Foru Ogasunean. Orain arte 50 IGE tramitatu dute ordezkaritza elektronikoa.

- **Hezkuntza arloko informazioa, dokumentazioa eta baliabideak.**

2001-2002 ikasturtetik hona, zabalik da Hezkuntza Informazio, Dokumentazio eta Baliabideen Zentroa. guraso, IGE eta Ikastetxe guztiei eskaintzen dizkie bere zerbitzuak.

Honako kontsulta baliabide hauek aurki ditzake erabiltzaileak bertan:

- Buletinak eta informazio ofiziala.
- Ekintzetarako materiala eta beste elkarte eta ikastetxe batzuenak.
- Balioetan oinarrituriko hezkuntza, prebentzioa...
- Heziketa behar bereziak.
- Beste ikastetxe batzuen informazioa eta estekak.
- Erakundeen informazioa.
- Hezkuntza zerbitzuei buruzko informazioa.
- Hemeroteca.
- Hezkuntza orientazioa eta orientazio profesionala.
- Elkarte eta baliabide interesgarriak.
- Irakasleak.
- Informatika.
- Bestelakoak.

Ikasturte honetan 1.400 kontsulta inguru egin dituzte baliabideei eta dokumentazioari buruz, gehienak Federazioko kide diren IGEetako kideek; kontsulta horien %94 urrunekoak izan dira (telefonoz, e-mailez,...) ez bertatik bertarakoak.

2.2.2 FORMAZIO JARDUERAK

BAIKARAK bere bazkideei eskaintzen dizkien formazio ekintzen koordinazioa formazio zerbitzuak gauzatu du. Zerbitzu horrek bideratzen ditu gurasoentzako formazio ekintzak, eta ekintza bakoitzari formazio estilo jakin bat ematen saiatzen da, gurasoen eskaeraren arabera ezaugarri, helburu eta abarrak finkatuz Mintegi, tailer edo lansaio modura antolatutako programak izan dira, hainbat iraupenetakoak.

Honako hauek dira eskaintako programak:

2.2.2.1 GURASO ESKOLAK ETA TAILERRAK

2012-2013 ikasturtean zehar, 147 prestakuntza saio egin dira Gipuzkoako 48 ikastetxetan. Horrez gainera, beste 40 prestakuntza saio antolatu dira Eibar, Villabona eta Azkoitiko udalekin lankidetzan.

2.2.2.2 JANGELAKO BEGIRALEEN FORMAZIOA:

Eskola jangeletako begiraleak trebatzeko 13 saio egin dira.

2.2.2.4 ARLO EZ-ARAUTUAN KULTURARTEKO ANIZTASUNARI BURUZKO ESKU-HARTZEA BIDERATZEKO PLANA

Formazio hau ikasleentzako antolatua da, bereziki, eta honako programa hauek landu dira:

1. JOLASEAN ELKAR EZAGUTU: 44 saio egin dira.
2. JOLASEAN ERABAKIAK HARTU: 60 saio egin dira.
3. JOLASEAN EGINEZ ERRONKEI AURRE EGIN: 172 saio egin dira.
4. JOLASEAN ELKAR ONARTZEN DUGU: 20 saio egin dira.
5. JOLASEAN MUSIKAZ GOZATZEN DUGU: 48 saio egin dira.
6. SARE SOZIALEKIN JOLASEAN: 27 saio egin dira
7. KULTUR ARTEAN ELKAR BIZI: 3 saio egin dira.
8. JARRAIPEN PROGRAMA: 7 saio gin dira.
9. IRASKALEEKIN BILERAK: 45 ordu

Guztira: 381 saio

2.3 BESTE GAI BATZUK.

- EHIGeko Zuzendaritza Batzordea: "EUSKAL ESKOLA PUBLIKOA HARATAGO" Foroa, Jangelak, Textu liburuak, Laikotasuna, Matrikulazio Kanpaina, Guraso Elkartearen Hezkuntza-Jarduera onen II. Lehiaketa, CEAPA, Eskola Txikiak,...
- LOMCEri buruzko informazio kanpaina: martxotik ekaina bitartean Gipuzkoan zehar 29 hitzaldi eskaini dira, gehienak Guraso Elkarteak eta eskolako zuzendaritzak antolatuta
- GIPUZKOAKO PLANIFIKAZIOAN ALDAKETAK (DONOSTIA, IRUN, LASARTE)
- EUSKADIKO ESKOLA KONTSEILUA
- HERRITAR ETORKINEN INTEGRAZIO SOZIALERAKO FOROAREN HEZKUNTZA BATZORDEA.
- GIPUZKOAKO KIROL KONTSEILUA.
- DONOSTIAKO KONTSEILU SOZIALA.

2.4 2013-2014 IKASTURTERAKO EKINTZE PROIEKTUA

2013-2014 ikasturteari begira, honako lehentasun hauek aurreikusten dira BAIKARARI dagokion lanean:

- IGEen estatutuak eguneratzen amaitzea.
- LOMCEri buruzko informazio kanpaina
- Eskola Mapari jarraipena egiteko Gipuzkoako Lurraldean osatu den "Jarraipenerako Lurralde Batzordea"an parte hartzea.
- Gizarte sareak erabiltzea, IGEekiko komunikazioa hobetzeko (bloga, facebook...), eta webgunea tresna berriez hornitzea, IGEek eta familiek, oro har, errazago elkarreragin ahal izan dezaten Federazioarekin.
- IGEentzako zerbitzuak: aholkularitza, informazioa, liburu salmenta, kontratuak, aseguruak, ordezkaritza. Puntu honetan, IGEei gogorarazi zaie komeni dela erregularizatzea IGEak antolatutako jardueretan lankide edo partaide gisa aritzen diren pertsonen egoera, baldin eta laguntza horren truke inolako ordain ekonomikorik jasotzen badute. Legezko arazorik ez izateko eta, are, Lan Ikuskaritzaren isun larririk ez jasotzeko, garrantzizkoa da pertsona horiek legez babestuta egotea, bai lan kontratu baten bidez, bai zerbitzuak emateko kontratu baten bidez, eta emandako zerbitzuengatik fakturak ematea. Kasu batzuetan, egoera jakinetan, pertsona horiek langile boluntario bezala aritzea onar daiteke. Nolanahi ere, IGEei gomendatzen zaie Federazioarekin harremanetan jar daitezela, gai hau aztertzeko.
- Gipuzkoako Foru Ogasunean aurrean IGEek izan beharreko ordezkaritza fiskala izapidetzea. Jakinarazi da komeni dela IGEak Federazioarekin harremanetan jartzea, izapide hori abian jartzeko; izan ere, gero eta udal gehiagok eskatzen diete IGEei zerga betebeharrak beteta dituztela egiaztatzeko Ogasunaren agiria, eta agiri hori lortzeko ezinbestekoa da Sozietateen Zergaren aitortpena aurkeztuta edukitzea. IGE batzuei JEGZ (Jarduera Ekonomikoen Gaineko Zerga) ordaintzeko jakinarazpena ere iristen ari zaie; eta zerga horretatik salbuetsita gelditzeko eskaria egin ahal izateko, ezinbestekoa da Elkarteen Zergaren aitortpena.
- Eskola jangelak: hezkuntzako eta gizarteko beste eragile batzuekin hainbat hilabetez lankidetzan jardunda, "EUSKAL ESKOLA JANGELEN GAINKO AGINDU BERRI BATEN ALDEKO MANIFESTUA" testua osatu da. Testu horretan, eskatzen da alda dezatela eskola publikoko jangelak arautzen dituen Agindua, orain 13 urte onartua. Manifestua IGE guztiei bidaliko zaie, atxikimendua eman diezaioten eskatuz.
- Testu liburuen mailegu sistemaren jarraipena. Jakinarazi da datorren ikasturtean Lehen Hezkuntzako 5. eta 6. mailetako liburuak berritzeko aurrekontua izango dela. Programa DBHko 3. eta 4. mailetara zabaltzeari ez zaio onespenez eman oraindik, ordea.
- Hezkuntza Sailak hezkuntza kudeaketako gastuak murrizteko hartutako neurrien jarraipena: irakasleen ordezkapenak, eskola garraioaren ibilbidea, eskoletako eraikinetan egin beharreko inbertsioak, dirulaguntzetan... Jakinarazi zen Hezkuntza Sailak berriki Eusko Legebiltzarrean aurkeztutako aurrekontu egitasmoaren arabera aurrekontuak % 5 gora egingo duela baina ez dela oinarritzko aldaketarik ikusten azken bi urteetan ezarritako murrizketa neurriek dagokienez (ordezkapenak, langile ez irakasleak, diru laguntzak...). Batzarrak onartu zuen Federazioak informazioa eta datu zehatzak eskatzea ikastetxeetako IGEei eta zuzendaritzari, aztertu ahal izateko zer ondorio izaten ari diren murrizketa horiek ikastetxeetan (langile taldeak murriztea, ordezkapenetarako arazoak, premiei aurre egiteko baliabiderik eza) eta datu xeheak eskura edukitzeko, egoera horri aurre egiteko salaketa protesta neurriak proposatzeko garaian.
- "Baikara" aldizkaria: ikasturtean, hiru zenbaki argitaratuko dira, azaroan, martxoan eta maiatzean.
- Aurrekontu murrizketak gorabehera, gaur egungo prestakuntza eskaintzari eustea, eta, ahal den heinean, eskaintza hori zabaltzea.
- Foroetako partaidetza: "Immigrazio Foroaren Hezkuntza Batzordea", "Euskadiko Eskola Kontseilua", "Donostiako Gizarte Kontseilua", "Donostiako Udaleko Euskararen Aholku Batzordea" ...

- **EHIGE** Konfederazioko Zuzendaritzan Batzordean partehartzea: 2013-2014 ikasturterako lehentasunak hauek izango dira: IGEen Jardunbide Egokien III. Jardunaldia antolatzea (azaroak 16, Gasteiz) eta Lehiaketa honen laugarren edizioa antolatu; Eusko Jaurlaritza berriarekiko harremana, arreta berezia emanez hezkuntza publikoaren sektorean ezar lezaketen balizko murrizketa politikari, LOMCEren kontrako kanpainari loturik, Euskadin foro bat sortzea, erkidegoan LOMCE legea ezar ez dezaten ; matrikulazio kanpaina, eskola mapa, laikotasuna, eskola jangelen eta eskola garraioaren araudien azterketa, Euskal Eskola Publikoaren 23. Jaia (ekainak 1 Balmasedan). CEAPAn sartzeari buruzko eztabaidari ere heldu nahi zaio. CEAPA IGEen Estatuko Konfederazioak estatu osoko 12.000 IGETik gora biltzen ditu.
Atal honetan (EHIGE CEAPAn sartzea), Batzarrak beste behin ere onespena eman dio neurri horri, eta EHIGERI eskatu dio har dezala erabakia ahal bezain laster.

3.- 2012/13 KONTUEN EGOERA eta 2013/14rako AURREKONTUA

3.1 KONTUEN BALANTZEA 2011-09-01etik 2012-08-31ra (2011-12 IKASTURTEA)

DIRU SARRERAK

- Eusko Jaurlaritzaren diru laguntza:	62.349,42 (- %25)
* 2012ko irailetik abendura: 26.567,42	
* 2013ko urtarriletik abuztura (aurreikuspena): 35.782,00	
- Donostia Udaleko diru laguntza:	2.353,00

OROTARA..... 64.702,42 €

- IGEen KUOTAK 101.657,60 €

- BESTE ZENBAIT SARRERA

Emaitzak. Liburuak	6.668,45
Kontratuen kudeaketa	56.226,00
Materiala	2.730,37
Aseguruen kudeaketa	1.696,66
Finantzak	133,61
OROTARA.....	67.455,09 €

- EGITASMOAK

"Baikara" aldizkaria	17.100,00
Heziketa / Kulturantzitasuna	59.907,75

OROTARA..... 77.007,75 €

DIRU SARRERAK OROTARA 310.822,86 €

GASTUAK

- MATERIAL HIGIEZINA

- Informatika, Fotokopiadora **3.678,04 €**

- LANGILEAK

- Langileetan gastatutakoa 150.140,48
- Prebentzioa/Fomazioa 4.686,43

OROTARA 154.826,91 €

- OROKORRAK

- Alokairuak eta kanonak 4.569,54
- Besteri eskatutako lanak 2.958,99
- Garraioak eta posta 2.540,09
- Aseguruak 4.550,27
- Publizitatea eta harremanak 2.113,60
- Hornidurak 8.367,44
- Ordezkaritza 9.895,87
- Bulegoko materiala 774,81

- Zergak	259,41
- Harpidetzak-Liburutegia	1.611,26
- Zerbitzuak eta fotokopiak	777,37
- Finantzak	343,75
- Konponketak	88,33
- Web orria	266,20
- Beste batzuk	205,70

OROTARA 39.322,63 €

- EHIGE Konfederazioa..... 3.985,00 €

- EGITASMOAK

- "Baikara" aldizkaria	26.465,76
- Heziketa / Kulturantzatasuna	72.829,15

OROTARA 99.294,91 €

- GURASO ELKARTEEI LAGUNTZA 9.500,00 €

GASTUAK OROTARA..... 310.607,49 €

SUPERAVITA 215,37 €

- *IGEentzako diru laguntzen atalari dagokionez (9.500 euro, 2012-2013 ikasturteko aurrekontuaren kargura kontabilizatua), aipatu da zenbateko horrekin IGE batzuen egoera ekonomiko zailari aurre egin nahi zaiola, 2013. urtearen amaierara arte; bereziki diru laguntzen murrizketaren ondoriozko zailtasunei. Hori dela eta, murrizketak izan dituzten IGEei eskatzen zaie jar daitezela harremanetan Federazioarekin.*

3.2 AURREKONTUA 2013-09-13etik 2014-08-31ra (2013-2014 IKASTURTEA)

DIRU SARRERAK

- Funtzionarioen gastuentzako dirulaguntzak: 53.400,00 (% 18,90)
 - Hezkuntza Saila: 53.400,00
 - Donostiako Udala: ez dago
- FORMAZIO Egitasmorako dirulaguntzak: 15.263,26 (% 5,40)
 - Eusko Jaurlaritzako Inmigratio Zuzendaritza: 7.125,81
 - Donostiako Udala: 8.137,45
 - Hezkuntza Saila: ez dago
- BAIKARA ALDIZKARIA egitasmorako dirulaguntzak: 13.000,00 (% 4,60)
 - Donostiako Udala: 8.000,00
 - Publizitatea: 5.000,00

Kanpoko diru-sarrerak: 81.663,26 (% 28,90)

- Bazkideen kuotak: 100.000,00 (%35,30)
- Zerbitzuak emateagatik sarrerak: 101.200,00 (%35,80)

Berezko diru-sarrerak: 201.200,00 (%71,10)

OHIKO SARRERAK GUZTIRA : 282.863,26 €

- Erreserba funtserako ekarpena: 10.000,00

GUZTIRA: 292.863,26

GASTUAK

- Pertsonal gastuak: 143.800,00 (%50,80)
- Funtzionamendu gastuak: 53.626,26 (%18,90)
- FORMAZIO egitasmoa: 64.437,00 (%22,80)
- BAIKARA ALDIZKARIA: 21.000,00 (%7,50)

OHIKO GASTUAK GUZTIRA: 282.863,26 €

- IGEentzako laguntza (kaleratzeengatiko kalte-ordainak): 10.000,00
- *Partida horretan sartzen da egoera ekonomiko zailen ondorioz familiei hainbat zerbitzu eskaintzeko (zaintza, eskola kirola...) behar zituzten lan kontratuko langilerik gabe gelditutako IGEen kasua. Kasu horietan, kontratatutako pertsona gehienek "kontratu finko etena" zuten, eta, kaleratuz gero, kalte ordaina eman behar zaiela aurreikusten du lan arloko araudiak. Litekeena da IGEren bat egoera horretan egonik ez izatea kalte ordaina ordaintzeko baliabide ekonomiko nahikorik. Horretarako, erreserba funtsa eratu zuen BAIKARAK, IGE horiei laguntzearren. Baina, funts ekonomiko horren zenbatekoa mugatua izanik, honako irizpide hauek finkatu behar izan dira laguntzak emateko:*
 - IGEak benetako zailtasun ekonomikoak izatea kalte ordainaren zenbateko osoari erantzuteko.
 - BAIKARAK bere gain hartuko du kalte ordainaren zenbatekoaren %50, baina kontratuko 1.500 euroko gehieneko zenbatekoraino.

GUZTIRA: 292.863,26

4. 2012-2013 IKASTURTERAKO KUOTAK

2013-2014 ikasturterako azken sei kurtsotan izan den kuota berdinarekin jarraitzea proposatzen da. Hau da 2,20 euro ikasle bakoitzeko

5. BAZKIDE BERRIAK ETA BAJAK

Honako IGE hauek elkartean sartzeko egindako eskaria onartzea proposatzen da:

- Irungo HIRUBIDE BHIko "BALEA" IGEa .
- Irungo IRAUN Haurreskolako "SEHASKA" IGEa.
- Berrobiko SAN ANDRES LHIko "EKINTZA" IGEa.

Honako IGE hauek elkartetik ateratzeko egindako eskaria onartzea proposatzen da:

- Aiako ANDATZA LHIko "ANDATZA" IGEa . Arrazoa: Andatza Eskola itxi egin dutelako.

6. ZUZENDARITZA BATZORDEAREN BERRITZEA

Zuzendaritza Batzordea honela osatuta egongo da:

- Usoa Urbietia (Bergara)
- Igor Lasa (Ordizia)
- Sebas Galdos (Errenteria)
- Gorka Garmendia (Urretxu)
- Imanol Andetxaga (Eskoriatza)
- Noemí Otegi (Elgoibar)
- Eskola Txikietako ordezkaria

Zuzendaritza Batzordea osatzeko bi juntakide falta dira. Hau dela eta hainbat Guraso Elkarteekin harremanetan jarriko dira, eta bereziki ordezkaritza ez duten zonaldekoekin.

Zuzendaritza Batzordeko bilereretan Federazioko bi teknikari ere parte hartzen dute: Garbiñe Arrizabalaga (Formazio Arloko arduraduna) et Imanol Zubizarreta (Federazioko koordinatzailea)

7.- HEZKUNTZA ARLOAREN EGOERARI BURUZKO EZTABAIDA

Puntu honetan, eztabaida egin zen LOMCEren onarpen saihestezinari eta legeak Euskadin izango duen aplikazioari buruz. Informazioa eman zen azken orduko aldaketei buruz, Senatuaren izapidean Legean aldaketa batzuk egingo zirela aurreikusita, bereziki ezarpena 2 urtetik 3 urtera luzatzeko neurriari dagokionez. Ildo horretatik, jakinarazi da LOMCE 2014ko irailean ezartzen hasiko direla, aurreikusita zegoen moduan (2014-2015 ikasturtean), baina Lehen Hezkuntzako 1., 3. eta 5. mailetan soilik. 2015-2016 ikasturtean, berriz, 2., 4. eta 6. maileri egokituko zaie ezarpena; baita DHBko 1. eta 3. maileri, Batxilergoko 1. mailari eta hiru prestakuntza zikloetako 1. mailari ere.

2016-2017 ikasturtean DBH, Batxilergo eta Prestakuntza Zikloetako gainerako mailetan aplikatuko da. Kanpo ebaluazioak, etapa bakoitzaren amaieran egingo direnak (Lehen Hezkuntzako 6. mailan, DBHko 4.ean eta Batxilergoko 2.ean), 2017ko ekainean izango dira, lehen aldiz, baina ez dute balio akademikorik izango; 2018ko ekainean izango dute DBHko eta Batxilergoko tituluak lortzeko balio akademikoa lehen aldiz. Selektibitatea 2017ko ekainean egingo da azken aldiz, eta 2018az gerotik, unibertsitate bakoitzak erabakiko du bere sarbide sistema, egoki irizten badio.

Batzarraren iritzian, LOMCE onartutakoan, Eusko Jaurlaritzak Euskadin LOMCE aplikatzeari buruz zer neurri hartzen dituen izango da hemendik aurrera koska. Berez, eta Hezkuntza Saila ematen ari den informazioen arabera, zaila ikusten da bederatzi hilabetean onartu ahal izatea 2014ko irailean Lege berria ezartzeko onartuta egon beharko litzatekeen araudi guztia. Izan ere, beharrezkoa da, lehenik eta behin, gobernu zentralak gutxieneko edukien dekretuak argitaratzea, erkidegoetako ezarpen dekretuak onartzea, ikastetxeen antolaketa, irakasleen prestakuntza, testu liburuak curriculum berrira egokitzea, etab.

Bestalde, Hezkuntza Sailak HEZIBERRI 2020 proiektua aurkeztu du, hezkuntza komunitatearen nahiz talde politikoaren arteko adostasuna lortuta euskal curriculumaren esparru pedagogikoa eta curriculum dekretu berriak definitzeko eta, epe ertainera begira, Euskal Hezkuntza Legea onartzeko.

BAIKARAK kezka hartu du ekimen hori, ordea; izan ere, LOMCE Lege Organikoa eta nahitaez betetzekoa izanik, ez dugu ikusten Heziberri 2020 proiektuarekin nola aurre egin ahal izango zaion LOMCEri. Hori dela eta, beharrezkoa iruditzen zaigu Eusko Jaurlaritzak LOMCEren kontra jarrera sendoagoa hartzea eta zehaztea zer neurri hartzeko asmoa duen Euskadin lege berria ezar ez dadin, araudi propioaren garapenaren bidez haren aplikazioa mantsotzeaz haratago.

Horregatik, eta Bilbon urriaren 12an egindako manifestazioaren ondoren gai honi aurre egiteko hainbat estrategia daudela ikusirik, Batzarrak erabaki du EHIGE Konfederazioari jakinaraztea babesa ematen diela LOMCEren kontrako mobilizazioei eta hezkuntza arloko murrizketa politikaren salaketari lehentasuna emateko antolatutako ekimenei; bide horretatik, etorkizuneko irtenbidea hezkuntza sistema propioa izango dela ahaztu gabe bada ere, hezkuntza komunitatearen mobilizazioa lortzen saiatzeko eskatzen du, familia bereziki.

8.- GALDERAK ETA OHARRAK

Zarauzko Orokieta Herri Eskolako ordezkariak jakinarazi duenez, abian jarri dute HAUSPOA izeneko esperientzia, Hezkuntza Sailak sortua. Esperientzia horren arabera, goizeko ordutegian biltzen dira eskola ordu guztiak, eta askotariko jarduerak antolatzen dira arratsaldeko ordutegirako. Dagoeneko autonomia erkidegoko 14 ikastetxetan ari dira ordutegi hori aplikatzen, baina bakararra da Gipuzkoakoa: Zarauzko Lizardi Institutua, hain zuzen ere. Orokieta ordezkariak adierazi duenez, familiak kezkatuta daude jangela zerbitzuaren murrizketa dela eta. Eztabaidan parte hartu du, halaber, Errenteriako Koldo Mitxelena Institutuko ordezkari batek, bertatik bertara ezagutzen baitu proiektua, Lizardi BHIko hezkuntza komunitateko kidea delako. Ordezkari horrek azaldu duenez, hilabete eskas da ekimena abian jarri zela, eta goiz da ebaluazioa egiteko, baina ez omen dute kezarik jaso institutuan. Arratsaldeko jardueretan 150 ikasle inguruk parte hartzen dute, eta askotariko eskaintza egiten zaie.

BAIKARAREN koordinatzaileak adierazi du EHIGEk interes berezia duela HAUSPOA proiektuarekiko; izan ere, Federazioa iritzi horretakoa ez den arren, batzuen ustez jardunaldi jarraitua ezartzeko ahalegina da ekimen hori. Horregatik, ikasturtea amaitu aurretik proiektu pilotu horiei buruzko informazioa eskatuko zaie Hezkuntza Sailari nahiz ikastetxeei berei, egitasmoaren abantailak eta eragozpenak aztertzeko. Era berean, jakinarazi da azaroaren 16an, larunbatean, Gasteizen egingo den IGEen Jardunbide Egokien Jardunaldian hitzaldi bat emango dela jardunaldi jarraitua-etena gaiari buruz.

Ez dagoenez beste aztergairik, amaitutzat eman da Batzarra, 12:40an.